

電報

天津來電 十二月二十五日

天佑中國化種族之見而改良政治變政治之體而咸認共和保皇號之尊榮拯生靈之塗炭
維我公實苦心締造碩畫維持洞觀世界大同力以天下爲任指揮若定震撼不驚功業恢闊
上下攸賴現在時局危迫中外望治綦殷亟待古今不世出之雄才及時建設必須外交素有
信用內政富於經驗軍人翕服輿論推崇乃能維繫衆心保持全局南北合一政府臨時大總
統非我公力任其難不足以濟時艱而鑿群望鎮芳等以事關安危大計用敢公同電懇尙求
我公以民人爲重俯順所請力任統一政府臨時大總統俾建新基共蒙幸福不勝迫切籲懇
之至張鎮芳張懷芝率同直隸軍事參議官陸錦天津鎮范書田通永鎮王懷慶正定鎮徐邦
傑大名鎮李進才宣化鎮黃懋澄直隸行營翼長鮑貴卿混成第四十協統領范國璋混成協
標統領王汝勤巡防左翼統領黃炳榮巡防右翼統領張懷斌熱河練軍統領梅懷玉淮軍中路
巡防統領楊超元布政使凌福彭署交涉使潘志俊署提學司蔡儒楷署提法司曹銳署海關
道徐沅署天津道阮忠極巡警道楊以德勸業道蘇品仁仝叩敬

順直諮議局來電 十二月二十六日

共和詔下中國再造我公聲色不驚能措天下於泰山之安豐功偉烈方之中外無有倫比前
南京孫總統宣言近北方蒙古王公通告皆推我公爲臨時大總統全國傾向於茲可見我公

十二月二十八日

爲國爲民獨膺艱鉅將來合五大族爲一家聯四萬里爲大國中華旗幟飛揚全球皆指顧間事引領下風無任忭舞順直諮議局叩上

開封來電 十二月二十六日

共和國體業經確定外交內政經緯萬端臨時統一政府行將建設非有威望勳勞爲全國所欽崇爲外人所翕服斷難肩此鉅任我公恢閔大略震動環球此次入秉鈞衡支持危局卒能調和南北克收斡旋之功於國利民福所全甚大羣情鼓舞薄海同揆前由南京臨時總統孫君電復直豫諮議局聲明共和成立卽行解職推公昨接蒙古王公聯合會通電亦稱惟公擔任臨時大總統方能維繫衆心保全大局足徵推戴之忱南北一致河南官紳軍警商學各界現與全體公同議決僉以爲臨時大總統一席非公莫屬務乞公俯從衆望力任其難福我同胞中國幸甚全豫幸甚琳暨文武司道府縣鎮統將校並諮議局代表全省紳民商學各界同叩有

山西來電

頃接軍事參議處有電現停戰期滿二十五日奉 旨宣布共和由公全權組織共和政府與民軍協商統一辦法等因竊維新政府爲南北統一機關大局安危所繫甚重設非統治得人門南北必難協和外交更虞叢勝盛鐸等公同商酌僉以爲南北合一臨時大總統非公不能膺茲艱鉅伏望俯順輿情顧全大局爲民生謀幸福爲東亞保和平天下幸甚惟希察察著

山西巡撫李盛鐸武衛右軍統領王汝賢會辦山西防務第五協協統盧永祥署大同鎮楊榮泰太原鎮謝有功署山西布政使許世英提學使駱成驤署提法使林學淵署巡警道周渤勸業道王大貞諮議局議長梁善濟副議長劉篤敬杜上化國民公會會長谷如墉等同叩徑

徐州來電 十二月二十六日

現聞共和政體已經解決自應即日成立統一南北新政府我公爲全國四萬萬人所托命勳等全體上懇我公擔任大總統以維大局全國幸甚勳等全體幸甚兩江總督張勳率同所屬文武司道鎮統將校公叩有

